


禪宗全書

語錄部八

藍吉富 主編

文殊文化有限公司 印行



禪宗全書



禪宗全書（全書一〇〇冊）

語錄部（八）

主編：藍吉富

發行人：洪啓嵩

出版者：文殊文化有限公司

總經理：彌勒出版社

台北縣新店市自由街22號3F

(02) 9154056

印製者：信利印製有限公司

定價：全套 八八〇〇〇元整

※版權所有，請勿翻印※

行政院新聞局版台業字第三六四三號

中華民國七十八年八月初版

目次

解題	一
壹、續古尊宿語要	一
序	三
原書目錄	三
第一集(天)	四
鎮州臨濟慧照禪師語錄序——長靈卓和尚	
第二集(地)	四三
清涼法眼益禪師語——金粟智和尚語	
第三集(日)	一〇五
楊岐會禪師語——復菴封禪師語	
第四集(月)	一六七
佛心才和尚語——慈航朴和尚語	
第五集(星)	一二九

大慧杲禪師語——柏堂雅和尚語

第六集（辰）……………二九四

雪堂行和尚語——或菴體禪師語

跋……………三五五

貳、宏智正覺禪師廣錄……………三五七

序……………三五九

原書目錄……………三六〇

卷一：泗州大聖普照禪寺上堂語錄……………三九四

卷二：長蘆覺和尚頌古拈古集序……………三九四

泗州普照覺和尚頌古……………四一三

卷三：真州長蘆覺和尚拈古……………四二八

後序……………四二九

卷四：明州天童山覺和尚上堂語錄……………四七五

卷五：天童覺和尚小參語錄序……………四七五

明州天童山覺和尚小參……………五〇八

卷六：明州天童山覺和尚法語……………五一九

卷七：明州天童山覺和尚眞贊下火……………五三〇

卷八：明州天童山覺和尚偈頌箴銘……………五三〇

卷九：序……………	五六七
明州天童覺和尚眞贊……………	五六七
勅謚宏智禪師行業記……………	六〇五
天童宏智覺禪師語錄序……………	六〇八
大同庵銘……………	六〇八
行實……………	六〇九
塔銘……………	六一〇
祭文……………	六一二
大慧杲禪師題師像讚……………	六一三
陸游題師像讚……………	六一三
叁、天童宏智覺禪師語錄……………	六一五
序……………	六一七
原書目次……………	六一七
卷一：上堂……………	六一八
晚參……………	六二二
示衆……………	六二五
卷二：拈古……………	六二六
卷三：頌古……………	六三七

卷四・機緣……………六五五

塔銘……………六五六

大用庵銘……………六五九

行實……………六六一

塔銘……………六六二

祭文……………六六四

大慧杲禪師題師像讚……………六六四

陸游題師像讚……………六六四

肆、普菴印肅禪師語錄……………六六五

御製序……………六六七

御製加封普菴禪師制……………六六八

傳法宗派圖……………六六八

年譜……………六六八

悟道因緣……………六六九

塔銘……………六七〇

御製普菴序……………六七二

卷上……………六七四

上堂示衆——示普圓二字道友

卷中.....七一九

普菴風水禪—達理歌

卷下.....七八一

紙被歌訓行童—御製普菴菩薩讚

續古尊宿語要

宋・晦堂師明 編

達磨西來道个不立文字。早是立了也。致令千載之下。所至堆山積嶽。堆積既多。覽者厭厭。今此錄者。乃是前衆人厭厭之中。撮出一二。譬若上林春色。在一兩花。豈待爛窺紅紫。然後知韶光之浩蕩也。既知春矣。喚此錄作立文字也。得不立文字也。得總不干事。戊戌佛成道日。鼓山晦室 師明 序

續刊古尊宿語要目錄

第一集 天

臨濟	汾陽昭	瑯琊覺	慈明圓
翠巖真	黃龍南	死心新	晦堂心
潞潭英	兜率悅	草堂清	靈源清
湛堂準	長蘆卓		

第二集 地

法眼益	雲門偃	法昌遇	雪竇顯
天衣懷	曹山寂	投子青	芙蓉楷
真歇了	宏智覺	古巖壁	天章楚
眞淨文	隱山璨	妙湛慧	金粟智

第三集 日

楊岐會	白雲端	保寧勇	五祖演
南堂興	佛眼遠	圓悟勤	開福寧
佛性泰	月菴果	復菴封	

第四集 月

佛心才	山堂洵	別峯珍	雲蓋本
虎丘隆	應菴華	密菴傑	松源岳
曹源生	鐵轅詔	破菴先	

第五集 星

大慧果	晦菴光	此菴淨	懶菴需
佛照光	誰菴演	遼菴演	竹原元
蒙菴岳	石菴瑤	退菴先	混源密
空叟印	木菴永	柏堂雅	

第六集 辰

雪堂行	竹菴珪	晦菴光	別峯印
浪菴奇	東山空	廣鑒璞	水菴一
別峯雲	或菴體		目錄終

古今圖書集成
醫部全錄
卷四百五十五
醫部全錄
卷四百五十五

續刊古尊宿語要第一集

天

鎮州臨濟慧照禪師語錄序

延康殿學士金紫光祿大夫真定府路安撫使
兼馬步軍都總管兼知成德軍府事馬防撰

黃檗山頭曾遭痛棒大愚肋下方解策拳饒舌老菴
尿牀鬼子這風顛漢再捋虎鬚巖谷栽松後人標榜
鐘頭斷地幾被活埋背箇後生燕口自掘辭焚机案
坐斷舌頭不是河南便歸河北院臨古渡運濟往來
把定要津壁立萬仞奪人奪境陶鑄仙陀三要三立
鈴鐺納子常在家舍不離途中無位真人面門出入
兩堂齊喝賓主歷然照用同時本無前後菱花對像
虛谷傳聲妙應無方不留朕迹拂衣南邁戾止大名
興化師承東堂迎侍銅瓶鐵鉢掩室杜詞松老雲開
曠然自適面壁未幾密付將終正法誰傳瞎驢邊滅
圓覺老演今爲流通點檢將來故無差舛唯餘一
喝尙要商量具眼禪流莫賺舉宣和庚子中秋日
謹序

汾陽昭禪師語

嗣首山

師問首山百丈等意旨如何山云龍袖拂開全體
現師云未審師意如何山云象王行處絕狐蹤師因
此有省拜起曰萬古碧潭空界月再三撈撈始應知
或問見何道理便爾自肯師曰正是我放身命處
僧問如何是大道之源師云掘地覓青天如何是祖
師西來意師云青梢屬子足風涼師乃云汾陽門
下有西河師子當門踞坐但有來者即便咬殺有何
方便入得汾陽門見得汾陽人若見汾陽人者堪與
祖佛爲師不見汾陽人盡是立地死漢如今還有人
入得門麼快須入取免得辜負平生不是龍門客切
忌遺點額那箇是龍門客一齊點下舉拄杖云速退
速退珍重
乾坤寬廓宇宙橫鋪衲僧分上左穿右穴樵父擔柴
醫王辨價藥多病甚細細魚鱗東西南北衝霜踏雪
不避寒暑要明斯事也須是箇一刀兩段事始得只
恁麼怏怏恹恹地爛冬瓜相似有什麼成辨較斷兩
頭猶是拖泥帶水豈更因循可惜許兄弟正法難聞

正眼難發。何不自省去。譬如兩陣相逢。不讓先手。擊鼓奪旗。快須與。人人慷慨。各各英豪。大丈夫兒。莫教孤負。行心虛消。信施山雲。廣闊有什麼。休時若不自智。通玄管。取價他宿債。圖什麼。波波地誑他父母。虛生一偏了。又更出。家行脚。云我參善知識。見性絕生死。流了無爲法。苦哉苦哉。萬中無一。自省歸根者矣。

夫說法者。須具宗師眼目。須識玄門。要辨縑素邪正。古人道玄有玄路。鳥道難通。一語不玄。流俗阿師。且問諸上座。作麼生。是玄路。還會麼。與汾陽說。看要知端的。莫只恁麼兀兀地過。時虛消信施。自從古德。各有出人底路。還省得麼。先聖道一句語。須具三玄門。一玄門。須具三要。阿那箇是三玄三要。底句快會取。好各自思量。還得穩當也。未古德已前行脚。聞一箇因緣。未明中間直下。飲食無味。睡臥不安。火急決擇。莫將爲小事。所以大覺老人爲一大事。因緣出現於世。想計他從上來行脚。不爲遊山玩水。看州府奢華。片衣口食。皆爲聖心。未通。所以驅馳行脚。決擇深奧。

中興續前上
有片字

傳唱敷揚。博問先知。親近高僧。盡爲續佛心燈。紹繼祖代。興崇聖德。接引後機。自利利他。不忘先跡。如今還有商量者麼。有師出來。大家商量。僧問。如何是接初機底句。師云。汝是行脚僧。如何是辨舊僧底句。師云。西方日出。如何是正令行底句。師云。千里持來呈舊面。如何是立乾坤底句。師云。北俱盧洲長。更米食者。無食亦無嘆。師云。只將此四轉語。驗天下禪僧。纔見你出來。驗得了也。如何是學人著力處。師云。嘉州打大像。如何是學人轉身處。師云。陝府灌鎮牛。如何是學人親切處。師云。西河師子。師云。若人辨得此三句。已會三玄。更有三要語。在切須薦取。不是等閑與大衆頌出。三玄三要。事難分得意。忘言道易。親一句分明。該萬象。重陽九日。菊花新。師云。會麼。怎麼會得。不是性燥。禪僧作麼生。會好。久立珍重。早參云。平日寅狂。機內有道人。身你等。聞鐘聲上來。不是狂機。那箇是道人。身有識得底麼。如今識得盡。未來際。不受他。臨如藏。不得蝦蟆蚯蚓。欺你。千說萬說。不如自見。若自見分明。當下超凡入聖。不

被衆魔惑亂。喚作大事已辦。但有來者。到你面前。一箇伎倆。用不得。所以趙州云。老僧只管看這底。不是箇擇法眼。輝尊喚作妙明真性。不假莊嚴。會取免得妄認塵緣。虛過時光。僧問。如何是賓中賓。師云。合掌。菴前問世尊。如何是賓中主。師云。對面無人。暗如何。是主中賓。師云。陣雲橫海上。拔劍攪龍門。問。如何是主中主。師云。三頭六臂。擎天地。忿怒那吒。撲帝鍾。師乃云。諸方老宿。事不獲已。東語西話。你等將謂合恁麼地。廣陳詞說。各競聚頭。不眠不睡。道我參尋你。擬向那裏參古人。云。向外作工夫。總是癡頑漢。快須信。取不用久立。

一陽生後。日長一線。你道佛法長多少。

師於方丈。坐次。僧俗侍立。外有一人。不通姓名。入來禮拜。起問。如何是和尙家風。師云。我家廣大無種。不有云。學人未曾會師深旨。乞師方便。展機鋒。師云。師子坐。安方丈。內龍形。拄杖手中持。云。用者如何。師云。敲破頑癡石。收取照星珍。云。如何是照星珍。師云。我行荒草裏。汝又入深村。其人禮拜。起出門。便隱去。不知

●事畢下

所在

拈起拄杖云。識得者。箇參學事畢。還議麼。莫道喚什麼。作拄杖如此之聲。如塵似沙。許你商量。作麼生開口。試道看。僧問。如何是拄杖子。師云。德山德山。云。過在什麼處。師云。薩婆訶。師乃云。更有問底麼。快問將來。道場難遇。時先迅速。一息不來。黃泉萬劫。久立珍重。

鍾聲雀噪。可契真源。別處馳求。妄生節目。信得因風吹火。不信平地掘坑。事不獲已。起模畫樣。所以道。靈山話月。曹溪指月。月在什麼處。與我指出看。直報禪和。莫向天上覓好。僧問。如何是不在天上。底月師云。照。師云。明知無一物。何用更推求。當處不強名。鋒芒甚處。有直下攬得。猶是殘弓折箭。堪作何用。擬議躊躇。陣場掃帚。以拄杖一時擺下。

河東運使鄭工部。入山相見。茶話次。部云。專甲留一偈。贈師。得否。師云。何敢運使。慈造部於壁上。篆書一偈云。黃紙休遮眼。青雲自有陰。莫將閑學解。埋沒祖師心。復云。只將此偈。驗天下長老。師云。恁麼則。汾陽

也在裏許部云。擔枷過狀。師云。更不再勘。部云。兩重公案。師云。知即得。部良久。師噓一聲。部云。文寶文寶。師云。甚所在。部云。不容專甲出氣。爭得。噓他道淹滯。長老在此。師云。是何言歟。部云。實。師云。也不得放過。部云。請師一偈。得否。師云。不閑。又墨部云。請師口札。師遂云。荒草勞尋徑。嚴松迴布陰。幾多玄解客。失却本來心。

鵝王擇乳素非鴨類。僧問鵝王。擇乳素非鴨類。意旨如何。師云。江南有江北無。師云。許多葛藤。還得明了。未分明。記取問頭。便須覷捕。究理而參。扶桑不遠。莫向外馳求。當處發生。隨處自現。乾坤大地。皎皎明白。但於十二時中行住坐臥。子細思量。看是誰作障礙。爲什麼臨機道不得。只爲一切境識不通。被他回換。便隨境走。不能作得主宰。所以一句中。三玄三要。四種寶主。歷然地。只爲多生煩惱。雲翳遮蔽。拋擲今生。又不近明眼道人。決擇莫逐日過時。古人云。今生不通來生望。塞轉不閉。思量虛延歲。月枉過時。光在家出家。直教了去。若能了得。盡未來際。天上人

間作師子吼。告報人天。互爲賓主。展縮自在。爲依爲止。爲道爲路。有甚障礙。若不明。了千難萬難。快須薦取。脫却根塵。其如不了。謾說如今珍重。

僧問抱璞投師。請師雕琢。師云。明朝更獻楚王看。朝參暮請。盡是尋常。不落言詮。作麼生道。

拈拄杖云。三世諸佛。總在這裏看。看見你沒孔竅。總入拄杖裏。妄生節目。去也有。趣得上底麼。有。卽舉一步。趨看。便有僧出。師云。譬爾早拋千萬里。又打云。我早是踉蹌入泥坑裏。你更待火鑽上添草。似箇阿師。救得也。無僧禮拜。師云。來來。你還會葛藤麼。僧云。不會。師云。賴你不曾。汾陽拾得口喫飯。蘇嚕蘇嚕。

師因觀洞山。价和尚五位語。乃述頌云。五位參尋切要。知纔毫纖動。已相違。金剛透匣誰能用。唯有那吒第一機。舉目便令三界靜。振鈴還使九天歸。正中妙俠通回互。擬議鋒芒失却威。僧問。如何是正中來。師云。早地蓮花朵朵開。云。開後如何。師云。金臺銀絲承玉露。高僧不坐鳳凰臺。如何是正中偏。師云。玉兔既明。初夜後金雞須報五更前。如何是偏中正。師云。

毫末成大樹滴水作江河如何是兼中至師云意氣不從天地得英雄豈藉四時推如何是兼中到師云玉女攬梭鳴軋軋石人打鼓響鑾鑾

僧問牛頭未見四祖時如何師云師神更著師婆賽見後如何古廟重遭措大題師乃云聞聲見色觸目舒光山高海闊地久天長作麼生辨得主中主并汾地苦寒遂罷夜參有異僧振錫而至曰會中有大士六人因何不說法言訖而去師密記以偈曰胡僧金錫光爲法到汾陽六人爲法器勸請爲敷揚師謂衆曰夫說法者須具十智同真若不具十智同真邪正不辨纖素不分不能與人天爲眼目決斷是非如鳥飛空而折翼如箭射的而斷絃茲斷故射的不中翼折故空不可飛弦壯翼牢空的俱徹作麼生是十智同真與上座點出一同一質二同大事三總同參四同真志五同徧普六同具足七同得失八同生殺九同音吼十同得入又云與什麼人同得入與誰同音吼作麼生是同生殺什麼物同得失阿那箇同具足是什麼同徧普何人同真志孰能總同

●千聖千

參那箇同大事何物同一質有點得出底麼點得出者不吝慈悲點不出來未有參學眼在切須辨取要識是非面目見在不可久立

示衆二偈 閃電之機不易當將心學道轉頭狂直饒咬得當鋒箭也是烏龜水裏藏 疾談過風用更難揚眉瞬目隔千山奔流度刃猶成滯擬議如何更得全

頓漸俱收 見性離文字 學問

識心是佛不識是魔王魔佛一心作佛真魔即狂見性非言說何千海藏文學心明了義不在廣云云從前學問幾能知拾磑泥中辨寶稀唯有隱淪高隱者騰騰兀兀混時機

環璫覺和尚語 嗣汾陽

上堂拈起拄杖云山僧有時一棒諸佛降生有時一棒轉大法輪有時一棒入般涅槃你且道諸佛降生轉大法輪入般涅槃相去多少良久云莫謗如來正法輪珍重

師舉先梁山云南來者與三十棒北來者與三十棒然雖如是不當宗乘師云梁山好一片真金將作頑鐵賣却琅琊卽不然南來者與三十棒北來者與三十棒從教天下衲僧貶駁珍重

舉僧問馬大師如何是佛大師云卽心是佛如何是道云無心是道云佛與道相去多少大師云佛如展手道似握拳師云古人方便卽不可山僧者裏也有些子若無人買山僧自賣自買去也如何是佛殿前多瑞草如何是道淵下足靈苗佛與道相去多少數片白雲籠古寺一條綠水遶青山珍重

與麼來者上問安排不與麼來者下問掛塔向上人來獨自悽悽暗渡江更有一人向什麼處著良久云釣竿斫盡重栽竹不計工程得便休珍重

示衆云古人道有時先照後用有時先用後照有時照用同時有時照用不同時若也先照後用露師子之爪牙若也先用後照縱象王之威猛若也照用同時如龍得水致雨騰雲若也照用不同時提獎嬌兒拈憐愛子諸人者此古德建立法門爲合如是不合

如是若合如是似紀信登九龍之輦不合如是若頂羽失千里馬驢還有人爲琅琊出氣也無如山僧自道去也卓拄杖下座

僧問大事未辨時如何師云金燈連夜照不覺五更鐘盡云大事已辨時如何師云跳足踏水雪方知徹骨寒問談真卽逆俗順俗卽違真離此二途請師舉唱師云水底石牛吼木裏珊瑚花開進云若然者不因觀北斗爭得見南星師云世亂奴欺主年衰鬼弄人放汝三十棒

舉大陽和尚示衆云平常無生句妙玄無私句體明無盡句後有僧請益如何是平常無生句白雲覆青山青山頂不露如何是妙玄無私句寶殿無人侍立不種梧桐免鳳來如何是體明無盡句手指空時天墀轉迴途石馬出紗籠第一句道得師子嘯呌第二句道得師子踞地第三句道得師子返鄉家也屬遍十方擒也坐在一處正當與麼時作麼生委息若委息不得來朝更向楚王看便下座

拈起拄杖云十方請佛降生。覓在拄杖頭上。師大法